

прося прощеніе, и прочиташе тропарь богородиченъ и молещися тако: Пресвятая богородице спаси мя. Многими содержимъ напастми къ тебѣ прибѣгаю спасенія искіи, о мати слова и дѣво, отъ тяжкихъ и лютихъ мя спаси. И егда придоша до вешило, глагола мученикъ войномъ: причекайте мало дондеже воздамъ молитвы моя господевы: они же сотвориша ему хотѣнію. Тогда мученикъ въздѣвъ руцѣ свои къ небо помоли ся тайно христу богу желаемому, и сотворивши три поклони велики обращся къ войномъ рече: нынѣ сотворите еже естъ повеленно вамъ. Тако и оны повѣсиша его, и предаде блаженній великій мученикъ Христовъ Іоаннъ духъ свой въ руцѣ божіи, и бѣ суббота, въ шестаго часа дне въ мѣсяца Іуліа ѿ день. И тако соверши свой подвигъ и свое страданіе, иже за Христа желалъ естъ, и прія вѣчное блаженство во царствіи небесномъ.

Но по смѣрти его въ ноцію видѣли нѣціи христіаны боголюбиви надъ мучениково тѣло столпъ огненный до небѣсъ достязающій. А у вторую же ночь взяша тайно тѣло мучениково и не вѣмъ гдѣ положиша его.

Поученіе.

Сицевое бысть начало, а таковій блаженный конецъ святому великомученику Іоанну, достойно за чудо. Како неліцемерна судьбина божія дарила естъ толико богатая своя милость на таковаго упокимена, яко да покажется искушеникъ во все врѣмя живота своего и поущенъ во всякой страсти. Но на послѣдокъ егда прииде въ покаяніе и въ путь мученическій, бистъ смиренъ и безъ никакое смущеніе, безъ всякое прекословіе и великоречіе, принесе до конца желаемое. И кто; не нѣкой да естъ ученъ у писаніе, не да естъ искусенъ долняя и глушавая мудрость, но и нагъ